

Naziv istraživanja: Statistika razvedenih brakova, 2024

Sektor za statistiku stanovništva i društvene statistike
Odsjek za statistiku stanovništva i registar
Federalni zavod za statistiku



Bosna i Hercegovina
Federacija Bosne i Hercegovine
**Federalni zavod
za statistiku**

- [1. Kontakt](#)
- [2. Ažuriranje metapodataka](#)
- [3. Statistički prikaz](#)
- [4. Mjerna jedinica](#)
- [5. Referentni period](#)
- [6. Ovlasti institucija](#)
- [7. Povjerljivost](#)
- [8. Politika objavljivanja](#)
- [9. Učestalost diseminacije](#)
- [10. Dostupnost i jasnoća](#)
- [11. Upravljanje kvalitetom](#)
- [12. Relevantnost](#)
- [13. Tačnost i pouzdanost](#)
- [14. Pravodobnost i poštovanje rokova objavljivanja](#)
- [15. Usklađenost i uporedivost](#)
- [16. Trošak i opterećenje](#)
- [17. Revizija podataka](#)
- [18. Statistička obrada](#)
- [19. Komentar](#)

S.01 Kontakt

S.01.1	Organizacija za kontakt	Federalni zavod za statistiku
S.01.2	Jedinica u organizaciji za kontakt	Sektor za statistiku stanovništva i društvene statistike Odsjek za statistiku stanovništva i registar
S.01.3	Ime osobe za kontakt	Muamera Idrizović
S.01.4	Funkcija osobe za kontakt	Stručni savjetnik za demografske analize i projekcije
S.01.5	Poštanska adresa osobe za kontakt	Zelenih beretki 26, 71 000 Sarajevo
S.01.6	Adresa elektronske pošte osobe za kontakt	muamera.idrizovic@fzs.ba
S.01.7	Broj telefona osobe za kontakt	+387 33 407 029
S.01.8	Broj telefaksa osobe za kontakt	+387 33 226 151

S.02 Ažuriranje metapodataka

S.02.1	Posljednja certifikacija metapodataka	30.09.2026.
S.02.2	Posljednje objavljivanje metapodataka	30.09.2026.
S.02.3	Posljednje ažuriranje metapodataka	30.09.2026.

S.03 Statistički prikaz

S.03.1 Opis podataka

Osnovni cilj provođenja statističkog istraživanja o razvedenim brakovima jeste dobivanje podataka o broju razvedenih brakova u godišnjoj periodici i praćenje kretanja serije podataka, kao i stvaranje osnova za analizu kretanja po svim prikupljenim obilježjima. Ovim istraživanjem obezbjeđuju se ulazni podaci za izračun osnovnih demografskih pokazatelja,

Statističkim istraživanjem o razvedenim brakovima prikupljaju se podaci o tome kod kojeg općinskog suda je brak razveden, datumu pravosnažnosti presude o razvedenom braku, datumu zaključenja braka, posljednjem zajedničkom prebivalištu (boravištu), broju djece, datumima rođenja izdržavane djece iz ovog braka, kome su dodijeljena izdržavana djeca iz ovog braka, kako je brak prestao, te podaci za muža i ženu: datum rođenja i JMB, država rođenja, državljanstvo, nacionalna-etnička pripadnost, vjera, ranije bračno stanje, brak po redu, školska sprema, zanimanje, status u aktivnosti i zaposlenosti.

S.03.2 Sistem klasifikacija

Šifarnici i klasifikacije koji se koriste za unos podataka sa obrasca RB-1 su:

Šifarnik općina i naseljenih mjesta Bosne i Hercegovine,
Šifarnik država – ISO 3166, Međunarodni standard za šifre država,
Klasifikacija zanimanja - KZ BiH 2008 usklađena sa ISCO-08.
Međunarodna klasifikacija obrazovanja - ISCED
Šifarnik nacionalne/etničke pripadnosti
Šifarnik vjere

S.03.3 Obuhvat sektora

Nije primjenjivo

S.03.4 Statistički pojmovi i definicije

Brak je čin, ceremonija ili proces kojim se stvara zakonska veza muža i žene. Zakonitost unije uspostavlja se građanskim, vjerskim ili drugim sredstvima zavisno od toga kako ih definira zakon svake zemlje.

Razvedeni brak je pravosnažnom presudom nadležnog suda raskinuta bračna zajednica.

Trajanje braka je izvedeno obilježje izraženo u navršenim godinama trajanja zakonske bračne zajednice.

Broj izdržavane djece rođene u ovom braku odnosi se na djecu razvedenih roditelja koja ne zarađuju i nemaju ličnih prihoda za svoje izdržavanje.

Prebivalištem se smatra općina ili distrikt u kojem se državljanin nastani s namjerom da tamo stalno živi ("Sl. Glasnik BiH" br. 32/2001, 56/2008 i 58/15).

Podaci za razvedene brakove se obrađuju i publikuju prema posljednjem zajedničkom uobičajenom mjestu stanovanja supružnika koji se razvode.

Uobičajenim stanovnikom određenog mjesta smatraju se osobe koje su u tom mjestu živjele neprekidno godinu dana ili duže prije referentnog datuma, kao i osobe koje su do tog datuma živjele kraće od 12 mjeseci s namjerom da u tom mjestu ostanu najmanje godinu dana.

Podaci o nacionalnoj-etničkoj pripadnosti rezultat su slobodno izražene etničke pripadnosti muža i žene.

Školska sprema je najviši stepen/stupanj obrazovanja koji je osoba stekla po okončanju redovnog/redovitog školovanja ili škole koja zamjenjuje redovne/redovite, polaganjem privatnih ispita u nekoj redovnoj/redovitoj školi, ili pohađanjem kursa za skraćeno završavanje neke škole kojim se, po postojećim propisima, stječe određena školska sprema.

S obzirom na status u aktivnosti osobe mogu biti aktivne osobe (koje obavljaju zanimanje i koje ne obavljaju zanimanje), osobe s ličnim prihodom i izdržavane osobe.

Status u zaposlenosti odgovor postoji samo za one osobe koje su na pitanje o statusu u aktivnosti dale odgovor da obavljaju zanimanje u radnom odnosu ili samostalno ili da obavljaju zanimanje bez radnog odnosa.

Stopa divorcijaliteta (razvoda brakova): predstavlja odnos između broja razvedenih brakova i procijenjenog broja stanovnika (na 1000 stanovnika) u godini posmatranja.

Stopa razvedenih brakova na 1000 zaključenih predstavlja odnos broja razvedenih i broja zaključenih brakova (na 1000 zaključenih brakova).

S.03.5 Statistička jedinica

Svaki razvedeni brak koji je registrovan kod izvještajne jedinice za referentnu godinu.

S.03.6 Statistička populacija

Ukupno stanovništvo FBiH definisano kao uobičajeno stanovništvo starosti 16 i više godina, što predstavlja zakonsku starosnu granicu za zaključenje odnosno razvod braka.

Statističkim istraživanjem o statistici razvedenih brakova obuhvaćeni su razvedeni brakovi registrovani u općinskim sudovima u Federaciji Bosne i Hercegovine, a odnose se na referentnu godinu.

Istraživanjem su obuhvaćeni svi općinski sudovi na teritoriji Federacije BiH.

S.03.7 Referentno područje

Federacija Bosne i Hercegovine, Kanton, Općina i Naseljeno mjesto.

S.03.8 Vremenski obuhvat

Podaci su dostupni od 1996. godine.

S.03.9 Bazni period

Nije primjenjivo

S.04 Mjerna jedinica

Podaci o razvedenim brakovima prikazuju se kao brojevi i stope.

S.05 Referentni period

Referentni period za podatke o razvedenim brakovima je kalendarska godina u kojoj su se događaji dogodili.

S.06 Ovlasti institucija

S.06.1 Pravni akti i drugi sporazumi

Nacionalni nivo:

- Zakon o statistici u Federaciji Bosne i Hercegovine („Službene novine Federacije BiH“, br. 63/03 i 9/09),
- Program provođenja statističkih istraživanja od interesa za Federaciju BiH

- Plan provođenja statističkih istraživanja od interesa za Federaciju BiH za 2025. godinu („Službene novine Federacije BiH“, broj 26/25),
 - Porodični zakon („Službene novine Federacije BiH“, br. 35/05 i 31/14).
 - Metodologija provođenja statističkog istraživanja o razvedenim brakovima (Sl. novine FBiH broj 102/17)
- EU nivo:
Istraživanje je usklađeno sa Principima i preporukama za vitalni statistički sistem Statističkog odjela Ujedinjenih nacija (Principles and recommendations for a vital statistics system, United Nations Statistical Division, Revision 3 i Regulativama Evropskog parlamenta i Vijeća i Komisije, tj. 1260/2013 i 205/2014.

S.06.2 Dijeljenje podataka

Baza podataka o razvedenim brakovima se dostavlja na godišnjem nivou Agenciji za statistiku BiH.

S.07 Povjerljivost

S.07.1 Politika povjerljivosti

Statističku povjerljivost određuju članovi 36-42 Zakona o statistici u FBiH (Sl.novine FBiH, br.63/03 i 9/09). Navedena oblast je u potpunosti usklađena sa EU regulativama kojima se reguliše povjerljivost statističkih podataka.

U toku izvršavanja svojih zadataka utvrđenih Zakonom o statistici u Federaciji Bosne i Hercegovine, Federalni zavod za statistiku i ovlašćeni organi i ustanove djeluju u skladu sa:

- Zakonom o statistici BiH („Službeni glasnik BiH“, broj 26/04 i 42/04),
- Zakonom o zaštiti ličnih podataka („Službeni glasnik BiH“, broj 12/25),
- Zakonom o slobodi pristupa informacijama u Federaciji Bosne i Hercegovine („Službene novine FBiH“, broj 32/01

Na svakom obrascu postoji istaknuta slijedeća napomena: *PODACI KOJI SE DAJU U OVOM IZVJEŠTAJU KORISTIĆE SE ISKLJUČIVO ZA STATISTIČKE SVRHE I NEĆE SE OBJAVLJIVATI KAO POJEDINAČNI.*

S.07.2 Postupanje s povjerljivim podacima

Povjerljivost statističkih podataka, koji se prikupljaju za potrebe istraživanja o razvedenim brakovima, podliježe zakonskim okvirima povjerljivosti. Podaci se koriste isključivo u statističke svrhe.

Svi zaposlenici Federalnog zavoda za statistiku dužni su se pridržavati Zakona o statistici u Federaciji Bosne i Hercegovine:

Član 37. - „Tokom prikupljanja, obrade i distribucije statističkih podataka Federalni zavod i drugi zakonom ovlašćeni organi i ustanove poduzeće sve neophodne mjere organizacione, regulatorne, upravne i tehničke prirode koje su potrebne da se zaštiti povjerljivost podataka od nedozvoljenog pristupa, objavljivanja i korišćenja u druge a ne u statističke svrhe.“

Član 38. - „Osobe koje imaju pristup povjerljivim podacima moraju se pridržavati odredbi ovog zakona i nakon prestanka radnog odnosa.“

Član 39. – „U svrhe obavljanja naučno-istraživačke djelatnosti Federalni zavod i ovlašćeni organi za poslove statistike mogu, na osnovu pisanog zahtjeva, davati individualne podatke, bez da se iz tih podataka može direktno ili indirektno prepoznati individualna izvještajna jedinica.

O korištenju statističkih podataka iz stava 1. ovog člana sklapa se poseban ugovor na osnovu kojeg se korisnik obavezuje, pod materijalnom i krivičnom odgovornošću, da će statističke podatke koristiti samo u svrhu koja je navedena u zahtjevu, da ih neće davati na uvid i korištenje neovlašćenim licima te da će ih nakon upotrebe uništiti.

Federalni zavod i ovlašćeni organi za poslove statistike vode evidenciju o korisnicima iz stava 2. ovoga člana i svrsi za koju su statistički podaci dati na raspolaganje.“

S.08 Politika objavljivanja

S.08.1 Kalendar objavljivanja

Kalendar objavljivanja je dostupan na web stranici Federalnog zavoda za statistiku krajem decembra tekuće godine za cijelu narednu godinu. U njemu korisnici mogu naći informacije o datumu objavljivanja podataka, broju statističkog izdanja, nazivu publikacije, vrsti statističkog izdanja i razdoblje na koje se odnosi.

S.08.2 Pristup kalendaru objavljivanja

Kalendar objavljivanja se nalazi na zvaničnoj web stranici Federalnog zavoda za statistiku : <https://fzs.ba/>

S.08.3 Dostupnost korisnicima

Postojeći pravni okvir, definiran Zakonom o statistici u Federaciji Bosne i Hercegovine, određuje osnovne ciljeve i principe funkcioniranja zvanične statistike, kojima se Zavod ovlašćuje da proizvodi visokokvalitetnu zvaničnu statistiku i da je nepristrasno, nezavisno i blagovremeno učini dostupnom svim korisnicima istovremeno. Podaci dobijeni statističkim istraživanjima objavljuju se na web stranici Zavoda u statističkim publikacijama (<http://fzs.ba/index.php/publikacije>) i u bazi podataka (<https://px-web.fzs.ba/pxweb/bs-Latn-BA/Stanovnistvo-Population/?rxid=7e91d240-74c9-4427-9011-89cc3bc680d0>).

S.09 Učestalost diseminacije

Podaci o razvedenim brakovima objavljuju se mjesečno (prvi rezultati) i na godišnjem nivou (konačni rezultati) u skladu sa Kalendarom objavljivanja Federalnog zavoda za statistiku.

S.10 Dostupnost i jasnoća

S.10.1 Saopćenja

Mjesečna Saopćenja su dostupna na adresi:
<https://fzs.ba/index.php/prirodno-kretanje- stanovnistva-i-brakovi/>

S.10.2 Publikacije

- Mjesečni statistički pregled Federacije BiH", <https://fzs.ba/index.php/publikacije/mjesečni-bilteni/>
- Mjesečni statistički pregled Federacije BiH po kantonima, <https://fzs.ba/index.php/publikacije/mjesečni-bilteni/>
- Tematski bilten „Demografska statistika“, <http://fzs.ba/index.php/publikacije/godisnji-bilteni/stanovnistvo-i-registar/>
- Federacija BiH u brojkama, <http://fzs.ba/index.php/2016/09/07/federacija-bih-u-brojkama/>
- Kantoni u brojkama, <http://fzs.ba/index.php/2016/09/29/kantoni-u-brojkama/>
- Gender publikacija "Žene i muškarci u Federaciji BiH", <http://fzs.ba/index.php/httpfzs-baindex-php20170110gender-statisika-zene-i-muskarci-u-federaciji-bih/>
- Statistički godišnjak/Ijetopis Federacije BiH", <http://fzs.ba/index.php/publikacije/statisticki-godisnjacijetopisi/>

S.10.3 Mrežna baza podataka

Podaci o razvedenim brakovima dostupni su korisnicima podataka preko On-line alata PX WEB na web stranici Federalnog zavoda za statistiku na linku:
<https://px-web.fzs.ba/pxweb/bs-Latn-BA/Stanovnistvo-Population/?rxid=7e91d240-74c9-4427-9011-89cc3bc680d0>

S.10.3.1 AC1. Tabele s podacima – konsultacije

Ne obavlja se posebno mjerenje broja konsultacija setova podataka za statističko istraživanje o razvedenim brakovima.

S.10.4 Pristup mikropodacima

Članom 39. Zakona o statistici u Federaciji Bosne i Hercegovine je propisano:

"U svrhe obavljanja naučno-istraživačke djelatnosti Federalni zavod i ovlašteni organi za poslove statistike mogu, na osnovu pisanog zahtjeva, davati individualne podatke, bez da se iz tih podataka može direktno ili indirektno prepoznati individualna izvještajna jedinica.

O korištenju statističkih podataka iz stava 1. ovog člana sklapa se poseban ugovor na osnovu kojeg se korisnik obavezuje, pod materijalnom i krivičnom odgovornošću, da će statističke podatke koristiti samo u svrhu koja je navedena u zahtjevu, da ih neće davati na uvid i korištenje neovlaštenim osobama te da će ih nakon upotrebe uništiti.

Federalni zavod za statistiku i ovlašteni organi za poslove statistike vode evidenciju o korisnicima iz stava 2. ovoga člana i svrsi za koju su statistički podaci dati na raspolaganje."

U skladu sa navedenom odredbom Zakona se i provodi procedura za dobijanja mikro podataka.

S.10.5 Ostalo

Podaci se pripremaju i po zahtjevu korisnika.

S.10.5.1 AC 2. Metapodaci – konzultacije

Na web stranici Federalnog zavoda za statistiku su opisani meta podaci za statističko istraživanje o razvedenim brakovima na linku:

<https://fzs.ba/index.php/statisticke-oblasti/stanovnistvo-i-drustvene-statistike/stanovnistvo-i-registar>

Ne obavlja se posebno mjerenje broja konsultacija setova podataka za statističko istraživanje o razvedenim brakovima.

S.10.6 Dokumentacija o metodologiji

Sastavni dio publikacija za statistiku razvedenih brakova su metodološka objašnjenja sa definicijama osnovnih indikatora i pojmova.

Detaljna uputstva za popunjavanje obrasca RB-1 se nalaze u Uputstvu za popunjavanje podataka u statistici razvedenih brakova (obrazac RB-1), izdavač: Federalni zavod za statistiku, 2021. Metodološko uputstvo za provođenje istraživanja o razvedenim brakovima objavljeno je i u „Službenim novinama Federacije BiH“ broj 102/17.“

<https://fzs.ba/index.php/klasifikacije-i-metodologije/english-metodologije/stanovnistvo-i-registar/>

S.10.6.1 AC 3. Stopa potpunosti metapodataka

Stopa kompletnosti meta podataka za statističko istraživanje o razvedenim brakovima je 100 %.

S.10.7 Dokumentacija o kvaliteti

<https://fzs.ba/?s=izvjestaj+o>

S.11 Upravljanje kvalitetom

S.11.1. Osiguranje kvalitete

FZS slijedi preporuke o organizaciji i upravljanju kvalitetom date u Kodeksu prakse evropske statistike (CoP), i implementira smjernice date u Okviru za osiguranje kvaliteta evropskog statističkog sistema (QAF).

Više, u vezi osiguranja kvaliteta, se nalazi u dokumentu Implementacija Kodeksa prakse evropske statistike u Federalnom zavodu za statistiku - samoprocjena i buduće aktivnosti <http://fzs.ba/index.php/o-nama/kvalitet-u-statistici>

S.11.2. Procjena kvalitete

Statističko istraživanje razvedenih brakova se provodi na punom obuhvatu. Statističko istraživanje je zasnovano na administrativnim evidencijama o stanjima građana.

Provjera duplih zapisa u bazi podataka vrši se na godišnjoj osnovi u bazi podataka za Federaciju BiH, na osnovu prethodno utvrđenih kriterija

Greške nedovoljnog obuhvata su moguće tokom jednog mjeseca. Ukoliko se ustanove greške ove vrste, već u narednom mjesecu je moguće ispraviti ovu grešku i dostaviti izvještaj koji nije popunjen za referentni mjesec. Na ovaj način je zadovoljen puni obuhvat na godišnjem nivou.

Greške prekomjernog ili nedovoljnog obuhvata svedene su na minimum.

Najbolji instrumenti za eliminisanje grešaka obuhvata su stalni kontakti službe za statistiku za područje kantona sa izvještajnim jedinicama.

Tokom unosa podataka u elektronsku bazu podataka (aplikacija za unos i obradu podataka urađena u Microsoft Accessu), podaci se kontrolišu. U aplikaciju za unos podataka sa obrasca RB-1 ugrađene su kontrole koje onemogućavaju da se u bazu unesu računski i logički neispravni podaci.

Poslije završenog unosa podataka za određeni mjesec, broj unesenih obrazaca se poredi sa podacima iz prethodnog mjeseca ili perioda. Ukoliko je neophodno, i u ovoj fazi se ponovo kontaktira izvještajna jedinica, u cilju korigovanja podataka.

S.12 Relevantnost

S.12.1 Potrebe korisnika

Korisnici podataka o razvedenim brakovima su, uglavnom, vanjski korisnici.

Vanjski korisnici podataka su: Agencija za statistiku BiH, Vlada Federacije BiH, Federalni zavod za programiranje razvoja, Zavod za javno zdravstvo Federacije BiH, Gender centri, univerziteti, mediji, studenti, fizičke osobe itd.

Podaci koje potražuju korisnici podataka, a koji nisu objavljeni, dostavljaju se iz dokumentacionih tabela ili se obrađuju iz raspoložive baze podataka, a na osnovu pismenog i jasno definisanog zahtjeva korisnika podataka. Podaci o razvedenim brakovima zadovoljavaju sadašnje potrebe korisnika podataka.

Istraživanjem o razvedenim brakovima obuhvaćene su varijable koje se zahtijevaju od strane Eurostat-a prema međunarodnim standardima.

S.12.2 Zadovoljstvo korisnika

Na nivou Federalnog zavoda za statistiku uspostavljena je anketa o zadovoljstvu korisnika podacima i odnosi se na sve statističke podatke. Rezultati ankete su dostupni na web stranici FZS <http://fzs.ba/index.php/otnoma/kvalitet-u-statistici/>

Zadovoljstvo korisnika uglavnom se prati preko njihovih zahtjeva za podacima određene vrste i, na osnovu učestalosti istovrsnih zahtjeva za određenim podacima, odlučuje se o objavljivanju ovih podataka, ukoliko se to ocijeni opravdanim.

S.12.3 Potpunost

Istraživanjem o razvedenim brakovima obuhvaćene su varijable koje se zahtijevaju od strane EUROSTAT-a prema međunarodnim standardima, a u skladu sa EU regulativom 1260/2013

S.12.3.1 R1. Stopa potpunosti podataka (P)

Stopa potpunosti podataka je 100%

S.13 Tačnost i pouzdanost

S.13.1 Ukupna tačnost

Statističko istraživanje o razvedenim brakovima zasnovano je na administrativnim evidencijama o stanjima građana. Provođenje ovog statističkog istraživanja obuhvata sve slučajeve razvedenih brakova registrovanih u evidencijama općinskih sudova, greške obuhvata nisu utvrđene.

S.13.2 Uzoračka pogreška i A1 indikatori uzoračke pogreške (U)

Nije primjenjivo

S.13.2.1 A1. Indikatori uzoračke pogreške (P)

Nije primjenjivo
S.13.3 Neuzoračka pogreška i A4 Stopa neodgovora jedinice za P i A5 Stopa neodgovora na određenu varijablu (U)
Praksa pokazuje da se u općinskom sudu RB-1 obrasci daju strankama da ih popune prilikom podnošenja zahtjeva za razvod braka. Česti propusti koji se primjećuju odnose se na neupisivanje odgovora za status u aktivnosti, zanimanje osobe, i status u zaposlenosti.
S.13.3.1 Pogreška obuhvata
Greške nedovoljnog obuhvata su moguće tokom jednog mjeseca. Ukoliko se ustanove greške ove vrste, već u narednom mjesecu je moguće ispraviti ovu grešku i dostaviti izvještaj koji nije popunjen za referentni mjesec. Na ovaj način je zadovoljen puni obuhvat na godišnjem nivou. Greške prekomjernog ili nedovoljnog obuhvata svedene su na minimum. Najbolji instrumenti za eliminisanje grešaka obuhvata su stalni kontakti službe za statistiku za područje kantona sa izvještajnim jedinicama.
S.13.3.1.1 A2. Stopa nadobuhvata
Budući da je statističko istraživanje zasnovano na administrativnim evidencijama o stanjima građana, prekomjerni obuhvat nije moguć. Provjera duplih zapisa u bazi podataka vrši se na godišnjoj osnovi u bazi podataka za Federaciju BiH, na osnovu prethodno utvrđenih kriterija.
S.13.3.1.2 A3. Udio zajedničkih jedinica
Postoji samo jedan izvor podataka za ovo statističko istraživanje i zasnovano je samo na administrativnim evidencijama o stanjima građana.
S.13.3.2 Pogreška mjerenja
Kontrola obuhvata vrši se u općinskom sudu. Praksa pokazuje da se u općinskom sudu RB-1 obrasci daju strankama da ih popune prilikom podnošenja zahtjeva za razvod braka. Najčešći razlozi greške mjerenja su ako osoba koja popunjava upitnik nije detaljno pročitala Uputstvo za popunjavanje obrasca ili nedovoljna pažnja osobe koji popunjava upitnik prilikom davanja odgovora. Kontrola tačnosti i potpunosti podataka, računski i logički kontrola vrše se prema kriterijumima obrade jedinstvenim za sve kantone Federacije BiH u službi za statistiku za područje kantona i u Odsjeku za statistiku stanovništva i registar. U program za unos podataka postavljene su dozvoljene vrijednosti za tražene varijable koji se provjeravaju tokom unosa podataka. Svaki odgovor koji se nađe izvan dozvoljenih vrijednosti se provjerava i koriguje, a kada je to potrebno kontaktira se izvještajna jedinica. U pojedinim slučajevima neophodno je uraditi imputacije nedostajućih podataka pri čemu se koriste raspoloživi podaci sa obrasca RB-1.
S.13.3.3 Pogreška neodgovora
Greške neodgovora nisu zabilježene, odnosno obuhvat je potpun
S.13.3.3.1 A4. Stopa neodgovora jedinice (P)
Ukoliko kod neke izvještajne jedinice nema registrovanih razvedenih brakova u referentnom periodu, iste su dužane da, po isteku toga mjeseca, dostave službi za statistiku za područje kantona samo pismeni izvještaj da u toku toga mjeseca nije bilo pravosnažnih presuda o razvodu braka.

S.13.3.3.2 A5. Stopa neodgovora na određenu varijablu (P)
Ukoliko podaci za određene varijable nisu popunjeni i podatak se nije mogao prikupiti, podatak je označen kao „nepoznato“. Stopa neodgovora A5 za varijable: Školska sprema: podaci za ženu 39,09%; podaci za muža 39,63% Zanimanje- nepoznat status u aktivnosti: podaci za ženu 40,82 %; podaci za muža 39,69 %
S.13.3.4 Pogreška obrade
Eventualne greške se ispravljaju prilikom obrade podataka tako da ne dolazi do naknadne kontrole podataka niti objavljivanja ispravki.
S.13.3.5 Pogreška izbora modela
Nije primjenjivo

S.14 Pravodobnost i poštovanje rokova objavljivanja
S.14.1. Pravodobnost i TP2 Pravodobnost konačnih rezultata (U)
Konačni podaci se objavljuju u junu tekuće godine za prethodnu godinu u skladu s Kalendarom objavljivanja statističkih podataka FZS za tekuću godinu.
S14.1.1 TP1. Pravodobnost – prvih rezultata (P)
Pravovremenost prve objave rezultata istraživanja određuje se kao razlika između datuma prve objave i kraja referentnog perioda. Nije bilo odstupanja između najavljenog datuma u godišnjem kalendaru publikovanja i stvarnog datuma objave. TP1= +44
S.14.1.2 TP2. Pravodobnost konačnih rezultata (P)
Prvi konačni rezultati su izrađeni 29. maja 2026., a bilten Demografska statistika je objavljen u junu 2026. godine. Nije bilo odstupanja između najavljenog datuma u godišnjem kalendaru publikovanja i stvarnog datuma objave. TP2= +181 dana
S.14.2. Poštovanje rokova objavljivanja i TP3 Poštovanje rokova objavljivanja – dostava i objavljivanje (U)
Nije bilo odstupanja između najavljenog datuma u godišnjem kalendaru publikovanja i stvarnog datuma objave.
S.14.2.1 TP3. Poštovanje rokova objavljivanja – dostava i objavljivanje (P)
Nije bilo kašnjenja, odnosno, podaci su objavljeni u predviđenim rokovima.

S.15 Usklađenost i uporedivost
S.15.1 Uporedivost – geografska
Podaci za Federaciju BiH spajaju se sa podacima za drugi entitet Bosne i Hercegovine i za Brčko Distrikt BiH te se tako dobiveni podaci za državni nivo koriste za usporedbu sa zemljama evropskog statističkog sistema.
S.15.1.1 CC1. Koeficijent asimetričnosti kod oglednih statistika

Ne postoji referentno istraživanje koje je srodno godišnjem istraživanju o statistici razvedenih brakova.

S.15.2. Uporedivost – tokom vremena I CC2 Dužina uporedivih vremenskih serija (U)

Provođenje statističkog istraživanja o razvedenim brakovima prisutno je dugi niz godina. Godišnji podaci o razvedenim brakovima koje je izradio Federalni zavod za statistiku dostupni su od 1996. godine. Značajnijih promjena u metodologiji istraživanja nije bilo, te su serije podataka uporedive.

S.15.2.1 CC2 Dužina uporedivih vremenskih serija (P)

Vrijednost indikatora = 30

S.15.3. Usklađenost među područjima

Ne postoji referentno istraživanje koje je srodno godišnjem istraživanju o statistici razvedenih brakova

S.15.3.1 Usklađenost kratkoročnih i godišnjih statistika

Nije primjenjivo

S.15.3.2 Usklađenost s podacima nacionalnih računa

Nije primjenjivo

S.15.4 Usklađenost – unutrašnja

Prvi rezultati za godinu objavljuju se u mjesecu februaru, dok se konačni podaci objavljuju u mjesecu junu. U toku statističke obrade podataka proces validacije podataka podrazumjeva i provjeru konzistentnosti podataka unutar svake dokumentacione tabele, kao i između dokumentacionih tabela.

S.16 Trošak i opterećenje

Godišnji operativni troškovi za provođenje istraživanja o razvedenim brakovima iskazuju se kroz materijalne troškove i broj utrošenih sati rada zaposlenih u Federalnom zavodu za statistiku.

Troškovi uključuju sljedeće stavke:

- troškove štampanja upitnika,
- otprema instrumentarija službama za statistiku za područje kantona,
- distribuciju instrumentarija izvještajnim jedinicama,
- troškove telefona, faxesa,
- troškove zaposlenih koji su angažovani na istraživanju (metodolozi, IT osoblje).

Za sada nije izvršen poseban obračun troškova po pojedinačnim istraživanjima.

Broj izvještajnih jedinica koje su ispunile obrazac	33
Vrijeme potrebno za popunjavanje jednog obrasca (minuta)	11
Broj izvještaja (broj unesenih obrazaca RB-1)	1818
Broj naknadno popunjenih obrazaca + 1%	18
Ukupan broj obrazaca	1836
Ukupno potrebno vrijeme (sati) - godišnje	337

S.17 Revizija podataka

S.17.1. Politika revizije podataka

Nije planirana niti provedena revizija podataka za statistiku razvedenih brakova.

S.17.2. Praksa revizije podataka i A6 prosječna veličina revizije podataka za U

Nije primjenjivo

S.17.2.1 A6. A6 Prosječna veličina revizije podataka (P)

Nije primjenjivo

S.18 Statistička obrada

S.18.1 Izvorni podaci

Statističkim istraživanjem o statistici razvedenih brakova obuhvaćeni su razvedeni brakovi registrovani u općinskim sudovima u Federaciji Bosne i Hercegovine, a odnose se na referentnu godinu.

S.18.2 Učestalost prikupljanja podataka

Izveštajne jedinice dostavljaju popunjene obrasce RB-1 službama za statistiku za područje kantona u mjesečnoj periodici, prema rokovima utvrđenim Planom provođenja statističkih istraživanja za 2025. godinu.

S.18.3 Prikupljanje podataka

Podaci o razvedenim brakovima prikupljaju se preko obrasca RB-1 u papirnoj formi. Podatke koji čine sadržaj obrasca RB-1 sudije popunjavaju na osnovu dokumentacije u spisima vezanim za spor. Ukoliko neki podaci koji se traže obrascem ne postoje u spisima, sudija ih pribavlja na osnovu izjave stranke. Unos, šifriranje i kontrola podataka obavljaju se putem aplikacije u okviru Odsjeka za statistiku stanovništva i registar. MS Access aplikacija za unos podataka o razvedenim brakovima je razvijena u Federalnom zavodu za statistiku. Podaci se smještaju u bazu na SQL serveru iz koje se vrši i obrada i tabeliranje kroz aplikaciju.

S.18.4 Validacija podataka

Podaci sa obrasca unose se u bazu podataka putem aplikacije za unos i kontrolu podataka koja sadrži formalne i logičke kontrole koje su postavljene po zahtjevu metodologa iz Odsjeka za statistiku stanovništva i registar. Kontrole se odnose na provjeru računske ispravnosti popunjenih podataka i logičkih veza između pojedinih obilježja.

Kontrola obuhvata vrši se u općinskom sudu.

Kontrola tačnosti i potpunosti podataka, računski i logički kontrola vrše se prema kriterijumima obrade jedinstvenim za sve kantone Federacije BiH u službi za statistiku za područje kantona i u Odsjeku za statistiku stanovništva i registar.

Unos, šifriranje i kontrola podataka obavljaju se putem aplikacije u okviru Odsjeka za statistiku stanovništva i registar.

U program za unos podataka postavljene su dozvoljene vrijednosti za tražene varijable koji se provjeravaju tokom unosa podataka. Svaki odgovor koji se nađe izvan dozvoljenih vrijednosti se provjerava i koriguje, a kada je to potrebno kontaktira se izvještajna jedinica. Paralelno sa unosom podataka vrši se šifriranje potrebnih obilježja: prebivalište, državljanstvo, država rođenja, nacionalna-etnička pripadnost, vjera i zanimanje zaposlene osobe.

Validacija podataka podrazumjeva i provjeru konzistentnosti podataka unutar svake dokumentacione tabele, kao i između dokumentacionih tabela.

S.18.5 Kompilacija podataka

U pojedinim slučajevima neophodno je uraditi imputacije nedostajućih podataka pri čemu se koriste raspoloživi podaci sa obrasca RB-1.

Ukoliko podaci za određene varijable nisu popunjeni i podatak se nije mogao prikupiti, podatak je označen kao „nepoznato“.

Ako nedostaju podaci tj. nisu dati odgovori na određena pitanja (o određenim varijablama), zaduženi zaposlenici službi za statistiku za područje kantona pokušavaju na indirektan način saznati podatak, odnosno na osnovu odgovora na druga pitanja.

Npr. za pitanje „Ranije bračno stanje“ označen je odgovor „neoženjen“, a za pitanje „Brak po redu“ nije označen odgovor. Logični zaključak je da se radi o prvom braku muža/žene.

Ukoliko se radi o nekom drugom nedostajućem podatku, za koji nije moguće logičkim zaključivanjem doći do odgovora, službe za statistiku za područje kantona uspostavljaju telefonsku vezu s izvještajnom jedinicom i nastoje dobiti nedostajući podatak, a ako u tome ne uspiju, podatak je označen kao „nepoznato“.

S.18.5.1 A7. Stopa imputacije

Ne postoji precizno mjerenje količine imputiranih podataka.

S18.6 Usklađivanje

Na podacima statističkog istraživanja o razvedenim brakovima ne radi se prilagođavanje.

S.18.6.1 Desezoniranje

Nije primjenjivo

S.19 Komentar

-